



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XLIX. Constitutio contra Religiosos Congregationis Montis Virginis  
dignitates, Prælaturas, & officia dictæ Congregationis à quibuscumque  
personis tam Secularibus, quam Ecclesiasticis etiam Sanctæ ...

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

fragati, sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & ordinationibus Apostolicis, necnon quatenus opus sit primo dictæ Congregationis, ejusque Provinciarum, & Domorum regularium, seu Conventuum quorumcumque, & aliis quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plenè, & sufficienter expressis habentes illis alias in suo robore permanfuris hac vice dumtaxat, specialiter & expresse derogamus, cæterisque contrariis quibuscumque.

Dat. P. An. 3.  
die 30. Jan.

Datum Romæ apud S. Mariam Majorem sub Annulo Piscatoris, die 30. Jan. 1658. Pontificatus Nostri Anno tertio.

XLVIII.

Breve, quo Vicarius Generalis Portugalliæ Minorum de observantia declaratur, quod sit solummodo Commissarius Generalis ad instar aliorum Commissariorum Nationum.

*Commissarii Generales Nationales quotannis rationem reddere debent Ministro Generali de Capitulis in suis Provinciis celebratis, & de rebus præcipuis intra, & extra Capitula determinatis. Sic cautum fuit in Capitulo Generali Tolet. 1658. pro utraque Familia num. 17.*

Edita An. D.  
1658.

### ALEXANDER PAPA VII.

*Ad futuram rei memoriam.*

Motiva hu-  
jus const.

**A**liàs per nos accepto, quod Provinciæ tam de familia Observantium, quam Reformatorum nuncupatorum Ordinis Minorum S. Francisci Regni Portugalliæ, & suarum conquestarum præsentia Superioris, qui illas reget, maxime indigebant, attentis difficilibus dispendiosisque recuribus, qui non sine temporis diuturnitate, incommodo, & labore, ab illis partibus ad hanc S. Sedem Apostolicam haberi possunt, præsertim bellorum, & aliorum tunc expressorum de causis.

§. 1. Subinde Nos dilectum filium Joannem Pereira Provinciæ Algarbiorum d. Ordinis professum in Vicarium Generalem earundem Provinciarum dicti Regni, suarumque conquestarum Fratrum Minorum hujusmodi cum facultatibus ad id necessariis ad triennium inde proximum, & interim ad Nostrium beneplacitum Apostolica auctoritate constituimus, & deputavimus, prout in Nostris in simili forma Brevis tunc desuper emanatis Literis, quarum tenorem præsentibus pro expresso haberi volumus, uberius continetur.

§. 2. Cum autem sicut dictus filius Michael Angelus della Sambuca totius dicti Ordinis Minister Generalis Nobis nuper exponi fecit, in eisdem Provinciis dicti Regni Portugalliæ Fratrum prædictorum nunquam extiterit officium Vicarii Generalis hujusmodi, nec etiam ab illis fuerit requisitum, exindeque schismata, perturbationes, & alia incommoda in eodem Ordine possent exoriri. Nobis propterea idem Michael Angelus Minister Generalis humiliter supplicari fecit, ut in præmissis opportunè ut infra providere de benignitate Apostolica dignamur; Nos igitur eundem Michaelem Angelum specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis senten-

tiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes hujusmodi supplicationibus inclinati, mentis, intentionis, & voluntatis Nostræ fuisse, & esse, ut prædictus Joannes non Vicarius Generalis, sed solummodo Commissarius Generalis Provinciarum prædictarum sit, nominarique, haberi, & esse debeat ad instar aliorum quorundam ejusdem Ordinis Provinciarum Commissariorum Generalium, Apostolica auctoritate tenore præsentium declaramus; ipsique Michaeli Angelo Ministro Generali facultatem interim expediendi negotia Fratrum Provinciarum Regni prædicti præsentium in Curia, & aliorum absentium ad eundem Michaelem Angelum pro expeditione recurrentium, auctoritate, & tenore præsentis concedimus, & impartimur.

Declaratio  
prout in rub.

§. 3. Decernentes prædictas Literas validas, firmas, & efficaces existere, & fore, suosque plenarios, & integros effectus sortiri, & obtinere, sicque & non aliter in præmissis per quoscumque Judices ordinarios, & Delegatos etiam causarum Palatii Apostolici Auditores judicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Decretum  
irritans.

§. 4. Non obstantibus primodiæctis Nostris literis, ac Constitutionibus, & Ordinationibus Apostolicis, & quatenus opus sit, Ordinis, & Provinciarum hujusmodi etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes illis alias in suo robore permanfuris, ad præmissorum effectum specialiter, & expresse derogamus, cæterisque contrariis quibuscumque.

Dat. Romæ apud S. Petrum sub Annulo Piscatoris, die 4. Aprilis 1658. Pontificatus Nostri Anno Quarto.

Dat. P. A. 4.  
die 4. Apr.

Constitutio contra Religiosos Congregationis Montis Virginis dignitates, Prælaturas, & officia dictæ Congregationis à quibuscumque personis tam Secularibus, quam Ecclesiasticis etiam Sanctæ Romanæ Ecclesiæ Cardinalibus procurantes.

XLIX.

*Consimilem prohibitionem habent ferè omnes Religiones, ut videre poteris in Repertorio verb. ambitus.*

### ALEXANDER PAPA VII.

Edita An. D.  
1658.

*Ad perpetuam rei memoriam.*

**S**acrofancti Apostolatus officio, quod autore Deo gerimus, admonemur, ut paternam Christifidelium, qui seculi vanitati renunciantes, & humilitatis spiritui adhærentes, Altissimi obsequiis sese sub suavi Monasticæ vitæ jugo devoverunt, curam gerentes, ambitiosum earum personis ad dignitates, & officia accessum intercludere studeamus.

Exordium.

§. 1. Motu itaque proprio, ac ex certa scientia, & matura deliberatione Nostri, deque Apostolicæ potestatis plenitudine, omnibus & singulis Monachis Congregationis Montis Virginis Ordinis S. Benedicti cujuscumque qualitatis, status, gradus, conditionis, præeminentiæ, & dignitatis nunc, & pro tempore quocumque existentibus, ne de

Confirmat  
prout in Rub.

cætero pro prælaturis, gradibus, honoribus, dignitatibus, administrationibus, functionibus, & officiis quibusvis ejusdem Congregationis consequendis, ad Principum, seu Prælatorum, & aliarum personarum quarumlibet de Gremio dictæ Congregationis non existentium, etiam Cardinalatus honore, vel quacumque seculari dignitate, & excellentia, etiam Imperiali, Regali, aut Ducali fulgentium favores, vel suffragia recurrere, illosque, seu illa sibi procurare; aut etiam spontè oblati, à se minimè procuratis uti directè, vel indirectè, seu alias quoquo modo audeant, vel præsumant sub perpetuæ privationis vocis activæ, & passivæ, abque ulla spe reintegrationis, nec non excommunicationis majoris, à qua nemo à quocumque præterquam à Nobis, & Romanis Pontificibus Successoribus Nostri, nisi in mortis articulo constitutus absolvi possit, pœnis eo ipso absque ulla alia declaratione incurrendis tenore præsentium prohibemus, & interdicimus.

Prohibet Superioribus.

§. 2. Mandantes propterea, & districte præcipientes in virtute sanctæ obedientiæ, ac sub simili excommunicationis pœna dilectis filiis Abbati Generali, cæterisque Superioribus Congregationis prædictæ modernis, & pro tempore existentibus, ne ad instantiam, & requisitionem prædictarum personarum de Gremio Congregationis hujusmodi non existentium cuicumque ipsius Congregationis Monacho ullam prælaturam ullumve officium, gradum, honorem, dignitatem, functionem, vel administrationem ejusdem Congregationis quovis modo concedant.

Decretum irritans.

§. 3. Ac decernentes ipsas præsentis Litteras semper firmas, validas, & efficaces existere, & fore, & ab illis ad quos spectat, & pro tempore spectabit inviolabiliter observari; Sicque & non aliter in præmissis per quoscumque Judices ordinarios, & delegatos etiam causarum Palatii Apostolici Auditores, ac S. R. E. Cardinales, sublata eis & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstantibus Apostolicis, ac in universalibus, Provincialibusque, & Synodalibus Conciliis editis generalibus, vel specialibus Constitutionibus, & ordinationibus, nec non quatenus opus sit prædictorum Ordinis, & Congregationis, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, ac alias in contrarium quomodolibet concessis, approbatis, & innovatis. Quibus omnibus, & singulis etiam pro illorum sufficienti derogatione de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores, formas, & occasiones præsentibus pro plenè, & sufficienter expressis, servatis, & inferis respectivè habentes, illis alias in suo robore permanfuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Publicatio Litterarum.

§. 5. Ut autem præmissorum notitia ad omnes dictæ Congregationis Monachos facilius veniat, volumus ipsas præsentis Litteras in singulis Capitulis generalibus ejusdem Congregatio-

nis publicè legi, & sic lectas omnes, & singulos ad quos spectat, & spectabit perindè afficere, & arcere, ac si unicuique personaliter intimata fuissent, utque earundem præsentium transumptis etiam impressis, manu Scribæ Capituli generalis Congregationis hujusmodi, vel alicujus Notarii publici subscriptis, & sigillo Abbatis Generalis ipsius Congregationis, vel alterius personæ in Ecclesiastica dignitate constitutæ munitis eadem prorsus fides in judicio, & extra adhibeatur, quæ præsentibus adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 27. Junii 1658. Pontificatus Nostri anno quarto.

D. P. An. 4.  
die 27. Jun.

Quod in Provinciis Cismontanis Fratrum de Observantia, ac Reformatorum Sancti Francisci non eligantur amplius Vocales, seu Discreti à familia Conventuum mittendi ad Capitula Provincialia.

L.

De hac materia vide que notavi ad Const. 53. Urb. VIII. Sacrosancti, circa abrogationem concessionum contrariantium statuti Ordinis, & ejus Regula.

ALEXANDER PAPA VII.

Edita An. D.  
1658.

Ad futuram rei memoriam.

Sacrosancti Apostolatus Nobis divinitus commissi ratio postulat, ut ad ea, per quæ controversiæ inter religiosos viros, qui contempti seculi illecebri vota sua sub arctioris vitæ regula Altissimo reddere jugiter satagunt, exorta perpetuò sopiantur, peculiari paternæ charitatis Nostræ studio intendamus.

Exordium.

§. 1. Itaque de Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præpositorum consilio, visis per eosdem Cardinales supplicibus libellis porrectis nomine plurimorum Fratrum Minorum tum de Observantia, tum Reformatorum nuncupatorum Cismontanæ Familiæ Ordinis Sancti Francisci instantium pro restitutione assertæ consuetudinis eligendi Vocales, seu Discretos à Conventibus mittendos ad Capitula Provincialia, auditisque sapius in particulari dictorum Cardinalium Congregatione dilectis filiis Fratribus Commissariis Generali, & Curiæ, nec non Procuratore Generali Reformatorum Ordinis prædicti, partibusque hinc inde tam verbo quam informantibus, cum omnibus pro utraque earum deductis, ac postmodum toto negotio in plena prædictorum Cardinalium Congregatione dilecto filio Nostro Joanne Baptista tituli S. Petri ad Vincula, ejusdem S. R. E. Presbytero Cardinale Pallotto nuncupato referente, diligenter, & maturè discussis: in Provinciis Cismontanis tam Observantiæ, quam Reformatorum dicti Ordinis non esse locum præfatæ Discretorum electioni, auctoritate Apostolica tenore præsentium decernimus, ac proinde perpetuum desuper silentium imponimus: salva tamen semper in præmissis auctoritate Congregationis memoratorum Cardinalium.

Confirmat prout in sub.

§. 2. Decernentes pariter easdem præsentis Litteras validas, & efficaces existere, & fore, ac ab omnibus, & singulis, ad quos spectat, & pro tempore spectabit inviolabiliter observari; sicque in præmissis per quoscumque Judices ordinarios, & delegatos, & causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Decretum irritans.

§. 3. Non obstantibus Decreto fel. record. Innocentii Papæ X. Prædecessoris Nostri, & aliis

Contrariis derogat.

Con-